



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԼՈՌՈՒ ՄԱՐԶՊԵՏ

Ո Ր Ո Շ ՈՒ Մ

4 փետրվարի 2003թ. թիվ 8-Ա

«ԼՈՌՈՒ-ՓԱՄԲԱԿԻ ԵՐԿՐԱԳԻՏԱԿԱՆ ԹԱՆԳԱՐԱՆ» ՊԵՏԱԿԱՆ ՈՉ  
ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԿԱՆՈՆԱԳՐՈՒԹՅՈՒՆԸ  
ՀԱՏՏԱՏԵԼՈՒ ՄԱՍԻՆ

Համաձայն ՀՀ կառավարության 2002 թվականի օգոստոսի 1-ի թիվ 1410-Ն  
որոշման 6-րդ կետի՝

Հաստատել «Լոռի-Փամբակի երկրագիտական թանգարան» պետական ոչ  
առևտրային կազմակերպության կանոնադրությունը՝ համաձայն հավելվածի:

ՀՀ ԼՈՌՈՒ ՄԱՐԶՊԵՏ

Հ. ԲՈՉԻՆՅԱՆ

2003թ. փետրվարի 4  
ք. Վանաձոր


Տպագրված է 5 օրինակից  
օրինակ 5


Հավելված  
ՀՀ Լոռու մարզպետի  
2003 թ. փետրվարի 4-ի  
թիվ 8-Ն որոշման



Գրանցված է  
ՀՀ իրավաբանական անձանց  
պետական ռեգիստրում

գրանցման թիվ՝ 26.210.02111  
գրանցման ամսաթիվ՝ 10.02.03 թ  
վկայականի թիվ՝ ՇՅՈՒ - 058598

Պետական ռեգիստրի Վանաձորի  
տարածքային բաժնի պետ՝  
 Ս. Մախոսյան



«ԼՈՌԻ - ՓԱՄԲԱԿԻ ԵՐԿՐԱԳԻՏԱԿԱՆ ԹԱՆԳԱՐԱՆ»

ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ

Կ Ա Ն Ո Ն Ա Դ Ր ՈՒ Թ Յ ՈՒ Ն



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԼՈՌԻ ՄԱՐԶՊԵՏ  
ՈՐՈՇՈՒՄ

4 փետրվարի 2003թ. թիվ 8-Ա

«ԼՈՌԻ-ՓԱՄԲԱԿԻ ԵՐԿՐԱԳԻՏԱԿԱՆ ԹԱՆԳԱՐԱՆ» ՊԵՏԱԿԱՆ ՈՉ ԱՌԵՎՏՐԱՅԻՆ  
ԿԱԶՄԱԿԵՐՊՈՒԹՅԱՆ ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Համաձայն ՀՀ կառավարության 2002թվականի օգոստոսի 1-ի թիվ 1410 -Ն որոշման 6-րդ կետի՝  
Հաստատել «Լորի-Փամբակի երկրագիտական թանգարան» պետական ոչ առևտրային  
կազմակերպության կանոնադրությունը՝ համաձայն հավելվածի

ՀՀ ԼՈՌԻ ՄԱՐԶՊԵՏ՝

Հ.ՔՈՉԻՆՅԱՆ

2003թ. փետրվարի 4  
ք. Վանաձոր

Տպագրված է 5 օրինակից  
օրինակ 1

Հավելված  
ՀՀ Լոռու մարզպետի  
անձանց  
2003թ. փետրվարի 4-ի  
թիվ 8-Ա որոշման

Գրանցված է  
ՀՀ իրավաբանական

պետական ռեգիստրում

գրանցման թիվ՝ 26.210.02111  
գրանցման ամսաթիվ՝ 10.02.03թ.  
վկայականի թիվ՝ 03Ա-052598  
Պետական ռեգիստրի Վանաձորի  
տարածքային բաժնի պետ  
Ս. Մաթևոսյան

«ԼՈՌԻ-ՓԱՍԲԱԿԻ ԵՐԿՐԱԳԻՏԱԿԱՆ ԹԱՆԳԱՐԱՆ»  
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ

ԳՈՐԾՈՂ ԿԱՆՈՆԱԴՐՈՒԹՅՈՒՆ

# ԳՈՐԾՈՂ ԿԱՆՈՆԱԴՐՈՒԹՅՈՒՆ

## 1. Ընդհանուր դրույթներ

1. «Լոռի-Փամբակի երկրագիտական թանգարան» պետական ոչ առևտրային կազմակերպությունը /այսուհետ՝ կազմակերպություն / շահույթ ստանալու նպատակ չհետապնդող, իրավաբանական անձի կարգավիճակ ունեցող ոչ առևտրային կազմակերպություն է, որն ստեղծվել է մշակութային գործունեություն իրականացնելու նպատակով:  
Կազմակերպությունն ստեղծվել է «Լոռի-Փամբակի երկրագիտական թանգարան» գրանցման թիվ 26.0102, /գրանցման ամսաթիվ՝ 13.06.1997թ., վկայական թիվ Բ 004006 /վերակազմավորման ձևով վերակազմակերպման միջոցով և հանդիսանում է նրա իրավահաջորդը:  
Կազմակերպությունն ստեղծված է համարվում նրա՝ օրենքով սահմանված կարգով պետական գրանցման պահից:  
Կազմակերպության հիմնադիրը Հայաստանի Հանրապետությունն է՝ ի դեմս ՀՀ կառավարության:
2. Կազմակերպության գործունեությունը կարգավորվում է Հայաստանի Հանրապետության քաղաքացիական օրենսգրքով, «պետական ոչ առևտրային կազմակերպությունների մասին» Հայաստանի Հանրապետության օրենքով, Հայաստանի Հանրապետության այլ իրավական ակտերով, Հայաստանի Հանրապետության կողմից վավերացված միջազգային պայմանագրերով և սույն կանոնադրությամբ:
3. Կազմակերպությունը որպես սեփականություն ունի առանձնացված գույք և իր պարտավորությունների համար պատասխանատու է այդ գույքով: Կազմակերպությունը կարող է իր անունից ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:
4. Կազմակերպությունն այլ կազմակերպության հիմնադիր կամ մասնակից կարող է հանդիսանալ միայն հիմնադրի որոշմամբ:
5. Կազմակերպությունն ունի Հայաստանի Հանրապետության զինանշանի պատկերով և իր անվամբ կլոր կնիք ու դրոշմակնիք, ձևաթղթեր, ինչպես նաև խորհրդանիշ:
6. Կազմակերպությունն ունի ինքնուրույն հաշվեկշիռ և բանկային հաշիվ:
7. Կազմակերպությունն իր պարտավորությունների համար պատասխանատու է իրեն պատկանող գույքով: Հիմնադիրը պատասխանատվություն չի կրում կազմակերպության պարտավորությունների, իսկ կազմակերպությունը՝ հիմնադրի պարտավորությունների համար: Հիմնադիրը պատասխանատվություն է կրում մինչև կազմակերպության պետական գրանցումը ծագած կազմակերպության ստեղծման հետ կապված պարտավորությունների համար:
8. Կազմակերպության անվանումն է՝  
Հայերեն՝ լրիվ՝ «Լոռի-Փամբակի երկրագիտական թանգարան» պետական ոչ առևտրային կազմակերպություն  
կրճատ՝ Լոռի-Փամբակի երկրագիտական թանգարան  
ռուսերեն՝ լրիվ՝ «Краеведческий музей Лори-Памбака» государственная некоммерческая организация  
կրճատ՝ Краеведческий музей Лори-Памбака  
անգլերեն՝ լրիվ՝ «Museum of Local Lore of Lori-Pambak» Non - commercial State Organization

## II. Կազմակերպության նպատակները և խնդիրները

10. Կազմակերպության գործունեության հիմնական նպատակը և առարկան մշակութային գործունեությունն իրականացումն է՝ Լոռու մարզի պատմությունը և մշակույթը ներկայացնող թանգարանային առարկաների և թանգարանային հավաքածուների պահպանումը, հայտնաբերումը, հավաքումը, ուսումնասիրումը, հանրահռչակումը:

11. Կազմակերպությունն իր գործունեության նպատակներին համապատասխան՝

ա. իրականացնում է կազմակերպությանն ամրացված թանգարանային առարկաների և թանգարանային հավաքածուների ֆիզիկական պահպանվածությունը, կոնսերվացիան, վերականգնումը: Ապահովությունը վերադաս մարմինի կողմից կազմակերպված հսկողությամբ.

բ. իրականացնում է թանգարանային հավաքածուների համալրում՝ նվիրաբերումների, կտակի, գնման եղանակներով.

գ. իրականացնում է կազմակերպությանն ամրացված / մշտական կամ ժամանակավոր պահպանության /, ինչպես նաև՝ համալրման նպատակով ձեռք բերված թանգարանային առարկաների և թանգարանային հավաքածուների հաշվառում.

դ. կազմակերպում է թանգարանի մշտական և ժամանակավոր ցուցադրություններ.

ե. կազմակերպում է ցուցահանդեսներ կազմակերպությանն ամրացված, ինչպես նաև իրավաբանական և ֆիզիկական անձանց պատկանող թանգարանային առարկաներով և թանգարանային հավաքածուներով.

զ. ապահովում է կազմակերպությանն ամրացված թանգարանային առարկաների և թանգարանային հավաքածուների մատչելիությունը.

է. իրականացնում է գիտալուսավորչական աշխատանք, կազմակերպում դասախոսություններ, համաժողովներ.

ը. իրականացնում է գիտահետազոտական աշխատանք.

թ. պատրաստում և հրատարակում է գիտական աշխատություններ, մենագրություններ, հոդվածներ, ժողովածուներ, ուղեցույցներ, կատալոգներ, ինչպես նաև կազմակերպության գործունեության վերաբերյալ տեղեկատվական ու գովազդային նյութեր.

ժ. համագործակցում է Հայաստանի Հանրապետության և օտարերկրյա թանգարանների հետ՝ թանգարանային գործի տեսական ու գիտագործնական խնդիրների վերաբերյալ համատեղ ծրագրերի մշակման և իրականացման նպատակով.

ժա. ինքնուրույն կազմակերպում է իր հիմնական գործունեության ընթացիկ և սոցիալ-տնտեսական զարգացման հեռանկարային ծրագրերը.

ժբ. ձևավորում է իր տնտեսական զարգացման ծրագիրը, որոշում թանգարանի մշտական ցուցադրության այցելության մուտքավճարի չափը, մշտական ցուցադրության բացատրությունների / էքսկուրսիաների/, թանգարանի ծառայությունների մատուցման կարգն ու սակագները, եթե Հայաստանի Հանրապետության օրենսդրությամբ այլ բան նախատեսված չէ.

ժգ. ապահովում է կազմակերպության ամրացված շենքերի, շինությունների պահպանությունն ու նպատակային օգտագործումը:

12. Կազմակերպությունն իրականացնում է ձեռնարկատիրական գործունեության հետևյալ տեսակները՝

ա. հրատարակչական գործունեության իրականացում,

բ. հուշանվերների պատրաստում և իրացում:

Լիցենզավորման ենթակա գործունեության տեսակներով կազմակերպությունը կարող է զբաղվել միայն լիցենզիայի հիման վրա:

13. Կազմակերպության գործունեության ընթացքում առաջացած շահույթն օգտագործվում է սույն կանոնադրությամբ նախատեսված նպատակների իրականացման համար:

14. Կազմակերպությունը հարկերը, տուրքերը և պարտադիր այլ վճարները վճարում է շահույթ ստանալու նպատակ չհետապնդող կազմակերպությունների համար նախատեսված կարգով ու չափով:

### III. Կազմակերպության սեփականությունը

15. Կազմակերպության սեփականությունը ձևավորվում է կազմակերպության հիմնադրաման ժամանակ և հետագայում հիմնադրի կողմից սեփականության իրավունքով նրան հանձնվող, ինչպես նաև կազմակերպության գործունեության ընթացքում արտադրված ու ձեռք բերված գույքից:

Կազմակերպության գույքի ձևավորման աղբյուր կարող են հանդիսանալ նաև Հայաստանի Հանրապետության և օտարերկրյա պետությունների իրավաբանական և ֆիզիկական անձանց կատարած ներդրումները, այդ թվում՝ բարեգործական, հովանավորչական, նպատակային նվիրատվություններն ու հատկացումները:

16. Կազմակերպությունն իրավունք ունի օրենքին, հիմնադրի որոշումներին և / կամ / սույն կանոնադրությանը համապատասխան՝ իր հայեցողությամբ տիրապետել, տնօրինել և օգտագործել սեփականության իրավունքով իրեն պատկանող գույքը:

17. Կազմակերպության սեփականության իրավունքով պատկանող գույքի նկատմամբ հիմնադիրը չունի իրավունքներ, բացառությամբ կազմակերպության լուծարումից հետո մնացած գույքի:

18. Կազմակերպության սեփականության պահպանման հոգսը կրում է կազմակերպությունը:

19. Կազմակերպության սեփականության վրա կարող է բռնագանձում տարածվել միայն դատական կարգով:

20. Կազմակերպության ֆինանսական հաշվետվությունների արժանահավատությունը ենթակա է վերստուգման / աուդիտի / լիազորված պետական մարմնի կողմից ընտրված անկախ աուդիտորական կազմակերպության կամ Հայաստանի Հանրապետության ֆինանսների և էկոնոմիկայի նախարարության ֆինանսական վերահսկողության ստորաբաժանման կողմից:

### IV. Կազմակերպությանն ամրացված գույքը և պատմամշակութային արժեքները

21. Հիմնադրի որոշմամբ կազմակերպության անժամկետ ու անհատույց օգրագործման իրավունքով ամրացվում է ցանկացած գույք:

22. Հիմնադիրն իրավունք ունի հետ վերցնել իր կողմից կազմակերպությանն ամրացված գույքը:

23. Կազմակերպությունն իրավունք չունի ամրացված գույքը կամ դրա նկատմամբ իր իրավունքները օտարել, գրավ դնել, հանձնել անհատույց օգտագործման:

24. Կազմակերպությունն իրավունք ունի իրեն ամրացված գույքը պետության անունից հանձնել վարձակալության, եթե դա արգելված չէ հիմնադրի որոշմամբ: Ամրացված գույքի օգտագործման արդյունքում կազմակերպության ստացած եկամուտները կազմակերպության սեփականությունն են:

Կազմակերպությանն ամրացված գույքի օգտագործման ընթացքում առաջացած անբաժանելի բարելավումները հիմնադրի սեփականությունն են:

25. Հիմնադրի կողմից կազմակերպությանն ամրացված անշարժ գույքի կամ պետական պարտադիր գրանցման ենթակա գույքի նկատմամբ կազմակերպության օգտագործման իրավունքը ծագում է դրանց նկատմամբ իրավունքի պետական գրանցման պահից:

26. Կազմակերպությունն իրավունք չունի օտարել, գրավ դնել, հանձնել վարձակալության կազմակերպությանն ամրացված թանգարանային առարկաները և թանգարանային հավաքածուները:

Կազմակերպությանն ամրացված թանգարանային առարկաների և թանգարանային հավաքածուների մշտական կամ ժամանակավոր պահպանության հանձնումը մեկ այլ իրավաբանական անձի իրականացվում է հիմնադրի կողմից լիազորված պետական մարմնի որոշմամբ և սահմանված կարգով:

Կազմակերպությանն ամրացված թանգարանային առարկայի դուրս գրումը պետական հաշվառման գրանցամատյաններից իրականացվում է դրա քայքայման կամ ոչնչացման դեպքում՝ հիմնադրի կողմից լիազորված պետական մարմնի որոշմամբ և սահմանված կարգով:

27. Հիմնադիրը, հիմնադրի կողմից նախատեսված դեպքում՝ լիազորված պետական մարմինը, իրավունք ունի ստուգելու կազմակերպությանն ամրացված թանգարանային առարկաների և թանգարանային հավաքածուների ամբողջականությունն ու պահպանվածությունը՝ դրանց փաստացի առկայության և պետական հաշվառման փաստաթղթերի հետ համեմատության միջոցով:

#### V. Կազմակերպության կառավարումը

28. Կազմակերպության կառավարումն իրականացնում է հիմնադիրը, ՀՀ Լոռու մարզպետը /այսուհետև՝ մարզպետ/ և գործադիր մարմինը՝ տնօրեն:

29. Կազմակերպության ընդհանուր կառավարումն իրականացնում է մարզպետը:

30. Մարզպետը

1. ապահովում է կազմակերպության բնականոն գործունեությունը և պատասխանատվություն է կրում գործունեության կատարման և թանգարանային գույքի ապահովման համար:

2. օրենքով սահմանված կարգով պաշտոնի է նշանակում և պաշտոնից ազատում է կազմակերպության տնօրենին:

3. հաստատում է կազմակերպության տարեկան ծախսերի նախահաշիվը:

4. իրականացնում է կազմակերպության գործունեության վերահսկումը:

5. կասեցնում կամ ուժը կորցրած է ճանաչում կազմակերպության տնօրենի՝ Հայաստանի Հանրապետության օրենսդրության պահանջներին հակասող հրամանները, հրահանգները, կարգադրություններն ու ցուցումները:

6. լսում է կազմակերպության գործունեության մասին հաշվետվությունները, քննում է դրա գործունեության վերստուգման արդյունքները:

7. հաստատում է կազմակերպությանը սեփականության իրավունքով հանձնվող և / կամ / ամրացվող՝ պետությանը պատկանող գույքի կազմը:

8. վերահսկողություն է իրականացնում կազմակերպությանն ամրացված պետական սեփականության օգտագործման և պահպանության նկատմամբ:

9. վերահսկողություն է իրականացնում կազմակերպության սեփականության պահպանության նկատմամբ, իսկ օրենքով հիմնադրի որոշմամբ կամ սույն կանոնադրությամբ նախատեսված դեպքերում համաձայնություն է տալիս նրա գույքի օտարման կամ վարձակալության հանձնման համար:

10. հաստատում է կազմակերպության տարեկան հաշվետվություններն ու տարեկան հաշվեկշիռը:

11. հաստատում է կազմակերպության կառուցվածքը և հաստիքացուցակը:

12. իրականացնում է «պետական ոչ առևտրային կազմակերպությունների մասին» Հայաստանի Հանրապետության օրենքով, հիմնադրի որոշումներով և սույն կանոնադրությամբ նախատեսված այլ գործառույթներ:

31. Կազմակերպության ընթացիկ գործունեության ղեկավարումն իրականացնում է տնօրենը, որին նշանակում է պաշտոնի և պաշտոնից ազատում է մարզպետը:

32. Կազմակերպության տնօրենը օրենքով, հիմնադրի և լիազորված պետական մարմնի որոշումներով, սույն կանոնադրությամբ իրեն վերապահված լիազորությունների սահմաններում ղեկավարում է կազմակերպության գործունեությունը և կրում է պատասխանատվություն օրենքների, իրավական այլ ակտերի, հիմնադրի կամ մարզպետի որոշումների, սույն կանոնադրության և կնքված պայմանագրերի պահանջները չկատարելու կամ ոչ պատշաճ կատարելու համար:

33. Կազմակերպության տնօրենը չի կարող զբաղեցնել այլ պաշտոն կամ կատարել վճարովի այլ աշխատանք, բացի գիտական, մանկավարժական և ստեղծագործական աշխատանքից:

34. Կազմակերպության տնօրենը լրիվ գույքային պատասխանատվություն է կրում իր մեղքով կազմակերպությանը և / կամ / պետությանը պատճառված վնասի համար: Նրա լիազորությունների դադարեցումը հիմք չէ պատճառած վնասը հատուցելու պարտականությունները չկատարելու համար:

35. Կազմակերպության տնօրենը

1. Առանց լիազորագրի հանդես է գալիս կազմակերպության անունից, ներկայացնում է նրա շահերը և կնքում է գործարքներ.
2. Հայաստանի Հանրապետության օրենսդրությամբ, հիմնադրի և մարզպետի որոշումներով և սույն կանոնադրությամբ սահմանված կարգով տնօրինում է կազմակերպության գույքը, այդ թվում՝ ֆինանսական միջոցները.
3. Տալիս է կազմակերպության անունից հանդես գալու լիազորագրեր, այդ թվում՝ վերալիազորման իրավունքով լիազորագրեր.
4. Աշխատանքի է ընդունում և աշխատանքից ազատում է կազմակերպության աշխատողներին, նրանց նկատմամբ կիրառում է խրախուսման միջոցներ և նշանակում կարգապահական տույժեր.
5. Բանկերում բացում է հաշվարկային հաշիվներ.
6. Կատարում է աշխատանքի բաշխում իր տեղակալների միջև.
7. Սահմանված կարգով մարզպետին է ներկայացնում կազմակերպության տարեկան ծախսերի նախահաշիվը.
8. Հաստատում է ձեռնարկատիրական գործունեության եկամուտների և ծախսերի նախահաշիվը.
9. Օրենքով և սույն կանոնադրությամբ սահմանված կարգով իր լիազորությունների սահմաններում արձակում է հրամաններ, հրահանգներ, տալիս կատարման համար պարտադիր ցուցումներ և վերահսկում դրանց կատարումը.
10. Կազմակերպում է կազմակերպության անժամկետ ու անհատույց օգտագործման իրավունքով ամրացված շենքերի նախագծային, շինարարական, վերանորոգման և այլ աշխատանքներ.
11. Որոշում է կայացնում կազմակերպության տրանսպորտային միջոցների օգտագործման վերաբերյալ.
12. Ստորագրում է ֆինանսական փաստաթղթերը.
13. Իրականացնում է ֆինանսական և արտադրական գործունեությանը վերաբերող այլ խնդիրներ.
14. Հաստատում է կազմակերպության ֆինանսական-արտադրական գործունեության ծրագիրը.
15. Լուծում է կազմակերպության սեփականության իրավունքով պատկանող գույքը իրավաբանական և ֆիզիկական անձանց վարձակալության հանձնելու հարցերը.
16. Որոշում է ընդունում կազմակերպության ֆինանսական միջոցների օգտագործման վերաբերյալ.
17. Մարզպետի հաստատմանն է ներկայացնում կազմակերպության կառուցվածքը, աշխատողների թիվը, հաստիքացուցակը.
18. Հաստատում է կազմակերպությանն ամրացված թանգարանային առարկաների և թանգարանային հավաքածուների ընդունման-հանձնման ակտերը.
19. Իրականացնում է Հայաստանի Հանրապետության օրենսդրությանը չհակասող այլ լիազորություններ.
36. Կազմակերպության տնօրենը պարտավոր է չկատարել հիմնադրի և մարզպետի՝ Հայաստանի Հանրապետության օրենսդրությանը հակասող որոշումները, կարգադրությունները, հանձնարարականները և դրանց չկատարման համար չի կարող ենթարկվել պատասխանատվության:
37. Կազմակերպության տնօրենի բացակայության դեպքում մարզպետի որոշման համաձայն տնօրենի լիազորություններն իրականացնում է կազմակերպության տնօրենին փոխարինողը:
38. Կազմակերպության աշխատողների իրավունքներն ու պարտականությունները սահմանվում են Հայաստանի Հանրապետության օրենսդրությամբ, սույն կանոնադրությամբ, աշխատանքային պայմանագրով, կազմակերպության առանձին ստորաբաժանումների ու աշխատանքային ներքին կանոնակարգերով և այլ իրավական ակտերով:
39. Կազմակերպության հիմնական գործունեության հարցերի քննարկման, մասնագիտական և կազմակերպական աշխատանքների արդյունավետ իրականացման նպատակով՝ տնօրենին առընթեր ստեղծվում են խորհրդակցական մարմիններ՝
  - գիտական խորհուրդ,
  - թանգարանային հավաքածուի գնման հանձնաժողով:

Կազմակերպության խորհրդակցական մարմինների որոշումներն իրականացվում են կազմակերպության տնօրենի հրամաններով:

#### VI. Կազմակերպության վերակազմակերպումը և լուծարումը

40. Կազմակերպությունը կարող է վերակազմակերպվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով:
41. Կազմակերպությունը դատական կարգով կարող է վերակազմակերպվել օրենքով սահմանված դեպքերում և կարգով:
42. Կազմակերպության լուծարմամբ նրա գործունեությունը դադարում է առանց իրավունքները և պարտականությունները իրավահաջորդության կարգով այլ անձանց անցնելու:
43. Կազմակերպությունը կարող է լուծարվել հիմնադրի որոշմամբ Հայաստանի Հանրապետության քաղաքացիական օրենսգրքով սահմանված կարգով:  
Կազմակերպությունը կարող է լուծարվել նաև սնանկության հետևանքով:
44. Կազմակերպությունը դատական կարգով կարող է լուծարվել միան օրենքով սահմանված դեպքերում և կարգով:
45. Կազմակերպության լուծարման դեպքում կազմակերպության պարտատերերի պահանջները բավարարելուց հետո մնացած գույքն ուղղվում է պետական բյուջե: